

Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws (Public Safety Power Shutoff, PSPS): Kev Kho Kom Rov Qab Zoo Los

TUS HAIS ZAJ LUS: Lub luag hauj lwm tseem ceeb tshaj plaws ntawm PG&E yog qhov kev nyab xeeb ntawm peb cov neeg siv hluav taws xob thiab cov zej zog. Cov cua loj heev muaj peev xwm ua rau cov ceg ntoo thiab cov khoom seem ntawm tej khoom uas raug puas tsuaj mus chwv cov hlua hluav taws xob uas tseem muaj hluav taws xob khiav, ua rau peb qhov khoom siv puas tsuaj thiab chiv ua rau muaj hluav taws kub hav zoov. Vim li ntawd, peb yuav tsum tau tua hluav taws xob nyob rau lub sij hawm huab cua phem txhawm rau tiv thaiv kom tsis txhob muaj hluav taws kub hav zoov. Qhov no hu tau tias yog Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws (Public Safety Power Shutoff). PG&E yuav tsis muab txoj kev nyab xeeb ntawm cov neeg siv hluav taws xob los pheej hmoo. Ib qho tseem ceeb tshaj plaws ntawm txoj Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws (Public Safety Power Shutoff) yog txhawm rau tswj kom peb cov neeg siv hluav taws xob muaj kev nyab xeeb. Peb ua hauj lwm txwm xyoo thiab tsis nres txhawm rau kom peb cov hauj lwm nyab xeeb dua qub thiab tuaj yeem hloov zoo dua qub, thiab tuaj yeem txhim kho tej xwm txheej Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws pub rau peb cov neeg siv hluas taws xob thiab cov zej zog. Xeev California, xeev Oregon thiab xeev Washington, ua ke nrog rau lwm cov xeev nyob rau Sab Hnub Poob, yeej tseem ntsib teeb meem ua ntu zus txog ntawm kev phom sij hluav taws kub hav zoov, thiab raws li peb lub caij nyoog hluav taws kub hav zoo uas ntev. Txhawm rau txoj kev nyab xeeb ntawm peb cov neeg siv hluav taws xob thiab cov zej zos, txawm li cas los xij Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws tseem yog qhov cuab yeej uas tsim nyog siv txuas ntxiv mus tam li yog ib txoj kev xaiv qhov kawg. Peb pib rhawv cov xwm txheej Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws, thaum qhov kev kwv yees tus kee huab cua phem heev, uas txog qhov ua rau tib neeg txoj kev nyab xeeb, lub neej txoj sia, vaj tsev, thiab tej chaw lag luam yuav muaj kev puas tsuaj txog ntawm hluav taws kub hav zoov. Tom qab PG&E tau pib tua hluav taws xob lawm, peb yuav tsum saib kom paub tseeb tias hluav taws xob yuav tuaj yeem raug kho kom rov qab los zoo li qub tom qab tej huab cua phem tau dhau mus. PG&E yuav ntsuam xyuas txhua txhia mais ntawm cov lis hauj lwm hluav taws xob uas raug tua txhawm rau kom muaj kev nyab xeeb. Kev nqis tes ua kom ntxaws, ruaj khov, thiab kev ntsuam xyuas kom txhij txhua yog qhov tseem ceeb ntawm kev kho hluav taws xob kom rov qab zoo los yam nyab xeeb rau peb cov neeg siv hluav taws xob. Tus txheej txheem no yuav pib tab txawm hais tias tseem muaj huab cua phem. Thaum cov huab cua tau dhau mus peb yuav muab peb cov neeg mus ntsuam xyuas qhov chaw yam ceev nrooj txhawm rau ntsuam xyuas cov hlua hluav taws xob uas puas tsuaj. PG&E Qhov Chaw Saib Xyuas Kev Ua Hauj Lwm Thaum Muaj Xwm Txheej Ceev (Emergency Operation Center) yuav hais qhia paub txog lub sij hawm yuav pib mus ntsuam xyuas cov hluav taws xob thiab kho kom rov qab zoo los. Cov neeg ua hauj lwm siv ntau tus txheej txheem los mus ua cov kev ntsuam xyuas no. Peb cov hlua hluav taws xob tuaj yeem raug ntsuam xyuas los ntawm cov kws txawj uas yog siv lub nyob hoom kiv tshuab (helicopters). Tus txheej txheem no ua tau ceev heev, tab sis nws yuav muaj ciam qee qhov, xam muaj nrog rau tej twj cuab yeej uas tsis tuaj yeem ntsia pom nyob rau saum huab cua vim muaj tej xyoob ntoo thiab lwm yam cuam tshuam. Tsis tas li ntawv, lub nyob hoom kiv tshuab tsuas tuaj yeem siv los mus ntsuam xyuas cov hlua hluav taws xob nyob rau yav nruab hnub xwb. Peb kuj tseem muaj cov nyob hoom (airplanes) uas tuaj yeem siv los mus ntsuam xyuas tej twj cuab yeej uas loj dua. Cov nyob hoom (airplanes) tau raug dhos cov cuab yeej tsom hmo ntuj (infrared) uas tuaj yeem ua qhov kev ntsuam xyuas nyob rau hmo ntuj tau. Txog cov hlua hluav taws xob uas tsis tuaj yeem ntsuam xyuas saum huab cua, PG&E cov neeg ua hauj lwm yuav kuaj xyuas cov hlua hluav taws xob los ntawm kev siv tsheb los sis taug kev xyuas txhawm rau

ntsuas cov twj cuab yeej uas raug tso ze ntawm ntug kev. Thiab yog thaum uas tsis tuaj yeem ntsuam xyuas saum huab cua los sis siv tsheb, vim yog cheeb tsam chaw ntawd, peb cov neeg ua hauj lwm yuav tsum ntsuam xyuas cov hlua hluav taws xob uas yog mus kev taw. Thaum pom muaj qhov puas tsuaj lawm, cov neeg ua hauj lwm yuav faib qhov chaw thiab kho kom ceev nrooj thiab nyab xeeb yam tuaj yeem ua tau. Cov hlua hluav taws xob yuav rov qab tso hluav taws xob dua tuaj tsuas yog tom qab uas tau raug ntsuam xyuas thiab qhov kev puas tsuaj tau raug kho tiav lawm. Txhua seem yuav rov qab qhib tom qab raug ntsuam xyuas tag. Txhais tau hais tias hluav taws xob yuav tuaj sib txawv sij hawm rau cov neeg siv hluav taws xob uas sib txawv. Kev kho kom rov qab zoo los yuav pib ntawm lub chaw xa hluav taws xob thiab mus txog rau ntu kawg ntawm txoj hlua hluav taws xob. Ua ntej hluav taws xob yuav rov qab raug tso tuaj cov neeg siv hluav taws xob tsi tas yuav tos kom tag nrho cov hauj lwm raug ntsuam xyuas. Thaum cov hlua hluav taws xob uas tuaj rau hauv koj lub tsev tau raug ntsuam xyuas thiab lees paub tias muaj kev nyab xeeb lawm, hluav taws xob yuav rov tuaj rau koj tam sid. Peb tag nrho txhua leej yeej siv hluav taws xob txhua hnuv thiab peb yuav ua hauj lwm txuas mus ntxiv nrog rau peb cov neeg siv hluav taws xob txog ntawm kev daws teeb meem txo tej kev phom sij kom tsawg zuj zus rau peb tej hauv paus kev txhim kho nyob rau lub sij hawm muaj hluav taws kub hnyiab loj heev. PG&E yuav txhawb kom cov neeg siv hluav taws xob tuaj mus rau ntawm Lub Tuam Chaw Lis Kev Nyab Xeeb (Safety Action Center), txhawm rau kawm paub txog cov lus qhia paub uas muaj nuj nqis hais txog cov kev phom sij ntawm hluav taws kub hav zoov thiab yam uas cov neeg siv hluav taws xob tuaj yeem thiab yuav tsum ua txhawm rau npaj txhij ua ntej rau Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws (Public Safety Power Shutoff). Txog rau ntawm qhov tshiab tshaj plaws ntawm PG&E cov kev txhawb kev nyab xeeb ntawm hluav taws kub hav zoov, thiab cov hau kev uas peb tseem tab tom txhim kho cov kev tua hluav taws xob kom muaj kev nyab xeeb rau zej tsoom, mus saib tau rau ntawm pge.com/psps.